

## OPĆI USLOVI POSLOVANJA

sa posljednjim izmjenama od 1. decembra 2018. i tehničkim izmjenama od 24. januara 2019. godine

*/ODJELJAK KOJI SE ODNOSI NA PITANJA PROFESIONALNE ODGOVORNOSTI/*

Na vaš zahtjev, advokatska kancelarija Karanović & Partners („**Karanović**“) će pružiti profesionalne pravne usluge i pomoći vam u postizanju vaših poslovnih ciljeva u jednoj ili više jurisdikcija u kojima Karanović posluje neposredno ili u saradnji sa advokatima/advokatskim kancelarijama u svakoj jurisdikciji („**Kancelarije u Saradnji**“). U ovom dokumentu, izrazi „Karanović & Kancelarije u Saradnji“, „mi“, „naš“ ili „nas“ označavaju Karanović ili neku od Kancelarija u Saradnji pojedinačno, kao i neke od njih zajedno, i sve njih zajedno, zavisno od konteksta.

*[tekst namjerno izostavljen]*

### **18 Ograničenje odgovornosti**

Osim ako je drugačije dogovoreno, i kada je taj dogovor u pisanoj formi potvrdio Partner iz Karanović & Kancelarija u Saradnji, ograničavamo svoju novčanu odgovornost prema vama u pogledu bilo kakvih potraživanja vezanih za odgovarajuću nepažnju, povredu fiducijarne dužnosti ili povredu ugovora (uključujući i bilo kog posebnog odnosno dodatnog ugovora koji reguliše bilo koji aspekt pružanja naših usluga, kao na primjer u vezi sa zaštitom ličnih podataka) na iznos koji je manji od sljedećih iznosa: (i) iznos od 1.000.000 EUR (jedan milion eura), ili (ii) iznos jednak petostrukom iznosu svih naših naknada koje se naplaćuju od vas za rad na predmetu iz kojeg proističe vaše potraživanje. U cilju pojašnjenja, gore navedeno ograničenje se odnosi na ukupnu obavezu svih kancelarija u okviru Karanović & Kancelarija u Saradnji zajedno, u vezi sa bilo kojim potraživanjima vezanim za odgovarajuću nepažnju, povredu fiducijarne dužnosti ili povredu ugovora. Ovaj iznos uključuje svu štetu, troškove i kamatu koji budu određeni protiv nas.

Postupak za utvrđivanje naše odgovornosti možete pokrenuti u roku od najviše 3 godine od dana obavljanja radnje koja mislite da daje povoda za navodnu odgovornost, a nakon proteka ovog roka svaka naša odgovornost prestaje. Nećemo biti dužni da vam platimo bilo koji iznos koji je prouzrokovan greškom drugog lica. Smatramo da je ograničenje naše odgovornosti predviđeno u ovoj tački razumno. I pored toga biće nam drago da sa vama razmotrimo ovo ograničenje, ukoliko smatrate da je iznos za vaše potrebe nedovoljan, i otvoreni smo za mogućnost istraživanja opcija za obezbeđivanje dodatnog pokrića. Ograničenja naše odgovornosti navedena u ovoj tački 18 će se primjenjivati na posao koji bude obavljen

po ovim Općim Uslovima Karanović & Kancelarija u Saradnji i na bilo koji budući posao, osim ako sa vama izričito, u pisanoj formi, ne ugovorimo drugačije uslove.

## **19 Naši pravnici**

Imajući u vidu naš interes da ograničimo ličnu odgovornost i izloženost sudskim sporovima Partnera, pravnika, advokata u saradnji, zaposlenih, saradnika i predstavnika Karanović & Kancelarija u Saradnji, osnovni uslov za naše angažovanje (u skladu sa bilo kojom zakonskom odredbom koja ograničava našu mogućnost da to učinimo) je da vi nećete postaviti nikakav zahtjev niti podnijeti bilo kakvu tužbu u vezi sa bilo kakvom štetom, direktno protiv naših Partnera, pravnika, advokata u saradnji, zaposlenih, saradnika i predstavnika lično.

*[tekst namjerno izostavljen]*

.....